



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr.2564, datë 11.05.2015

“Për dhënien e Autorizimit Individual sipërmarrësit “Albtelecom” sh.a. për përdorimin e frekuencave të brezit 900 dhe 1800 MHz”

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj. Anila	Denaj	Anëtar
4. Znj. Ketrin	Topçiu	Anëtar
5. Znj. Klarina	Allushi	Anëtar

dhe sekretare Znj. Marsida Drushku, në mbledhjen e datës 11.05.2015, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, i ndryshuar, ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike”, dhe Rregullores së Brendshme të AKEP, miratuar me Vendimin Nr.2506, datë 30.10.2014 të Këshillit Drejtues të AKEP, shqyrtoi çështjen me objekt:

“Për dhënien e Autorizimit Individual sipërmarrësit “Albtelecom” sh.a. për përdorimin e frekuencave të brezit 900 dhe 1800 MHz”

BAZA LIGJORE:

1. Shkronjat a, b, c, të pikës 1 dhe pika 2 e nenit 75, “Ndryshimet në autorizimin individual”, si dhe pikat 9, 10 të nenit 62 “Administrimi i spektrit të frekuencave” të Ligjit Nr.9918 “Për Komunikimet Elektronike në Republikën e Shqipërisë”, datë 19.05.2008, *i ndryshuar me ligjin nr. 102/2012 “Për disa ndryshime dhe shtesa në Ligjin Nr. 9918, “Për komunikimet elektronike në republikën e Shqipërisë, datë 19.5.2008”*”;

2. Ligji Nr 8485 datë 12.05.1999, “Kodi i procedurave administrative”;
3. VKM Nr. 468, datë 30.05.2013 “Për miratimin e planit kombëtar për zhvillimin e broadband-it”, i ndryshuar me VKM Nr. 300, date 08.04.2015.
4. Vendimi Nr.466, datë 27.2.2013 “Për miratimin e Planit Kombëtar të Frekuencave”.
5. Rregullore për Autorizimin Individual, miratuar me Vendimin e Këshillit Drejtues të AKEP Nr. 2395 datë. 15.12.2013.
6. Rregullore e Brendshme e AKEP, miratuar me Vendimin Nr.2506, datë 30.10.2014 të Këshillit Drejtues të AKEP.

K Ë S H I L L I D R E J T U E S :

Nga shqyrtimi i materialit shkresor, të përbërë nga:

- Relacion shpjegues mbi Projekt-Vendimin (**Relacioni**);
 - Projekt-aktin
 - si dhe,
- duke i'u referuar diskutimeve në mbledhje mbi çështjen, bazës ligjore të sipërcituar.

V Ë R E N se:

1. Sipërmarrësi “Albtelecom” sh.a. është pajisur me Autorizim Individual për përdorimim e brezit të frekuencave GSM900 dhe GSM1800, miratuar me VKD Nr. 532, datë 26.12.2008, për ndërtimin e rrjetit dhe ofrimin e shërbimit të telefonisë së lëvizshme.
2. Me vendim nr. 2552, datë 10.04.2015 të Këshillit Drejtues të AKEP, sipërmarrësi “Albtelecom” sh.a. është pajisur me Autorizim Individual për dy të drejta përdorimi në brezin e frekuencave 1800 MHz për sistemet GSM/LTE/UMTS/WiMAX.
3. VKM Nr. 300, datë 08.04.2015, për “Disa ndryshime dhe shtesa në Vendimin Nr. 468, datë 30.05.2013, të Këshillit të Ministrave, për “Miratimin e planit kombëtar për zhvillimin e Broadband-it””, me anë të së cilës:
 - Autorizohet heqja e kufizimeve teknologjike dhe ndryshimi i autorizimeve individuale përkatëse pa pagesë shtesë nga ana e mbajtësit të autorizimeve,
 - Të nxiten mbajtësit e autorizimeve, sipas një akti të nxjerrë nga AKEP-i, që të rritin mbulimin me shërbime *broadband* në zonat me densitet të ulet të popullsisë si dhe të përmirësojnë cilësinë e shërbimit të ofruar
 - Kryerjen nga AKEP të procesit të riorganizimit të spektrit në këto breza. Riorganizimi i spektrit, përmes modifikimit të autorizimeve individuale përkatëse të dhëna në brezat 900/1800 MHz, 2100 MHz, do të kryhet pas dhënies në përdorim të spektrit të lirë të mbetur në këto breza, por jo më vonë se tre muaj nga përfundimi i procesit të dhënies në përdorim të këtyre brezave.

4. AKEP, heqjen e kufizimeve teknologjike, dhënien në përdorim të spektrit të lirë dhe riorganizimin e tij i ka trajtuar të lidhura ngushtë me njera tjetrën. Për këtë arsye dhe bazuar në ligj, AKEP kreu një këshillim publik me palët e interesuara. Në përfundim të këtij këshillimi, të gjithë të interesuarit u shprehen se janë dakort me propozimin e AKEP për realizimin e këtij procesi.

Aktualisht AKEP është në fazën kur:

- Plani Kombëtar i Frekuencave për këto breza ka hequr kufizimet teknologjike,
- Është dhënë në përdorim spektri i lire në këto breza,
- Është plotësuar kuadri ligjor, VKM nr.300 datë 08.04.2015,

Kështu që është plotësisht e mundur realizimi i një procesi të tillë.

5. AKEP, bazuar në shkresën me nr.952 Prot., datë 30.04.2015 me lëndë: *Mbi procesin e riorganizimit të spektrit dhe heqjen e kufizimeve teknologjike në brezin e frekuencave 1800 MHz.*, nuk ka administruar përgjigje negative nga sipërmarrësi “Albtelecom” sh.a. për heqjen e kufizimeve teknologjike në autorizimin individual ekzistues të përdorimit të frekuencave të brezit 1800 MHz.

P Ë R K Ë T O A R S Y E:

Bazuar në sa më sipër, në kompetencat që i janë dhënë nga:

1. Ligji Nr. 9918, datë 19.05.2008, për “Komunikimet Elektronike në Republikën e Shqipërisë”, i ndryshuar, gërma c e pikës 1 dhe pika 2 e nenit 75,
2. VKM Nr.466, datë 27.2.2013 “Për miratimin e Planit Kombëtar të Frekuencave”,
3. Rregullorja për Autorizimin Individual, miratuar me VKD Nr. 2395 datë. 15.12.2013.

V E N D O S :

1. Të miratojë ndryshimet e autorizimeve individuale ekzistuese.
2. Të miratojë Autorizimin Individual të ri për sipërmarrësin “Albtelecom” sh.a. sipas dokumentit bashkëlidhur.
3. Të miratojë heqjen e kufizimeve teknologjike për frekuencat e brezit 900 dhe 1800 MHz të dhëna me këtë autorizim.
4. E drejta e përdorimit të spektrit pa kufizim teknologjik dhe shfrytëzimi i spektrit sipas Aneksit nr.1.1, fillon nga data 01.09.2015.
5. Afati i vlefshmërisë së Autorizimit Individual ekzistues miratuar me VKD Nr.532, datë 26.12.2008 për përdorimin e frekuencave në brezin 900 (2x8MHz) dhe 1800 Mz (2x9 MHz – 1764.0/1859.0-1773.0/1868.0) mbetet i pa ndryshuar.

6. Aneksi 1 i VKD Nr.532, datë 26.12.2008, për përdorimin e frekuencave në brezin 900 dhe 1800 Mz shfuqizohet.
7. Ky vendim të publikohet në faqen e internetit www.akep.al.

Ky vendim hyn në fuqi në datën e miratimit të tij.

K R Y E T A R

Piro XHIXHO

ANËTARËT E KËSHILLIT DREJTUES:

1. **Alban KARAPICI** _____
2. **Anila DENAJ** _____
3. **Ketrin TOPÇIU** _____
4. **Klarina ALLUSHI** _____